

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ejecutivo

Xiomara Arends

Redaccion Ejecutivo

Leo Maduro (hefe de redaccion)
Nicola Gonzalez (redactor ejecutivo)
Pilar Flores (redactor ejecutivo)

Redaccion

Benjamin Romero
Kenna Hernandez
Andreina Morillo

Departamento Digital

Juan Luis Pinto

Ejecutivo de Benta

Sulaika Croes

email: sulaika.croes@cspnv.com

Linda Reijnders

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza
email: accounting@bondia.com

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Luis Villegas
Associated Press
Ret Karibense
Upload Media Aruba
Verbum Works

Afiliacion

Sociedad Interamerica
de Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obienibel di dialuna te cu diasabra. Ningun contenido por wordo reproduci sin permiso di editor.

Yamila Hoevertsz-Kock, Presidente di Stichting Hunga Teca

'Mucha mester desaroya fantasia atraves di wega'

SAN NICOLAS – Un estudio nobo realisa mediante screening celebral sofistica a haya un vinculo entre e uzo di pantaya, por ehempel telefon inteligente y iPad, cu e desaroyo celebral di muchanan chikito, specialmente riba areanan cu tin relacion cu desaroyo di lenguahe, cual ta reforsa e linemento riba disminucion di tempo cu e muchanan di kleuterschool ta pasa cu e aparatonan electronico aki.

Durante un entrevista special cu Bon Dia Aruba a tene cu Yamila Hoevertsz-Kock, Presidente di Stichting Hunga Teca, el a splica con e fundacion a inicia cu e fin di motiva tur mucha pa inverti nan tempo cu weganan, pa nan por tin e fantasia di otro mundo y asina tambe comparti nan tempo cu famia.

E ekipo di Stichting Hunga Teca ta conforma pa cuatro hende muhe cu a traha den enseñansa. Hoevertsz-Kock a expresa cu nan a pensa cu hunga ta algo cu ta tene e muchanan leu for di caya y ora cu nan ta hunga, nan ta desaroya nan fantasia, nan parti emocional y tambe parti motorico.

Banda di esey, tambe nan a pensa cu hopi mayor tin dos of mas trabou door di e situacion economico y nan no tin hopi tempo, esey kiermen cu e tiki tempo di calidad cu nan por duna nan yiunan, nan tin cu sa kico pa haci pa esaki ta lo mas efectivo.

Na november y december di aña pasa, nan a bin cu idea cu nan mes a yama 'Hunga Teca' y dia 5 di april di aña aki nan a firma dilanti notario como Stichting Hunga Teca.

Den e tempo ey, Hoevertsz a bisa cu nan a cuminsa papia cu director di algun scol, cu nan mes a haya un 'leuk idea'. Durante un presentacion na Colegio Mon Plaisir, el a expresa cu nan a haya e mayoria di co'i di hunga cu aworaki nan tin hunto cu bendemento di cuminda y colaboracion di muchanan di otro scol.

Di mesun manera, el a comenta cu e lugan cu nan a haya cu ta den YMCA San Nicolas, el a expresa cu tur nan famia, amistadnan a uni pa haci e lugan limpi y verf. Dia 22 di september ultimo, e lugan a habri oficialmente pa muchanan por bay hunga.

Hoevertsz a señala cu e vision di tin un Hunga Teca ta pa muchanan por bay y fia co'i hunga, di edad desde 0 te 12 aña, asina como tambe weganan pa famia. Esaki pa motibo cu un mucha por desaroya su mes hungando, pero ora cu famia ta sinta hunga hunto cune, e mucha tin cu siña cu tin ora cu e ta gana y otro cu e ta perde. Tambe nan ta siña con leuk ta pa nan ta hunto den famia pa haci algo.

"E mayornan tin cu ripara cu 15 minuut pa dia ta haci su yiu contento", Hoevertsz a sigura.

Tambe el a indica cu nan ta fia co'i hunga pa iglesia y scolnan. Tocante esaki, nan a adopta Santa Filomena scol basico, hunto cu Kooyman, unda nan a presenta un proyecto cu ora un negoshi ta crece, nan ta duna di nan parti y e trabou di man di obra ta haci pa hende cu ta traha den hotelnan, nan ta haci trabou boluntario.

Otro di e proyectonan cu nan tin ta yama 'Mama pa Mama', cu desde 1 di januari di otro aña, e boluntarionan lo bay cuida e muchanan di 0 pa 3 aña cu no ta bay kleuter ainda y nan lo entretene e muchanan y e mamanan lo bay sinta pa bebe un koffie, papia y haya un par di ora trankilo y su muchanan ta wordo cuida pa hendenan profesional.

Tocante nan boluntarionan, Hoevertsz a manifesta cu nan ta traha cu hende profesional. Nan ta haci screening, nan mester tin referencia, papel di buena conducta y mester tin experiencia, amor, pasenshi y conocimiento pa traha cu mucha.

Hende cu tin interes di duna co'i di hunga, weganan of bira boluntario pa Hunga Teca, por comunica cu nan via Facebook of nan mesun website www.hungateca.com

Mucha tin hopi derecho, un di nan cu Nacionnan Uni ta ratifica ta e derecho riba wega. Hoevertsz a splica cu Hunga Teca, door cu nan ta fia co'i di hunga educativo pa muchanan individual of na iglesia of scol, ta cumpli cu e derecho aki door di duna e mucha un chens pa ta mucha y hunga.

Tin lugan den mundo una mucha no ta asina bendiciona cu nan por hunga y Aruba tin hopi problemanan social, maltrato di mucha, abuso y otro banda di e medaya ta cu mucha si por hunga y biba nan fantasia.

Pa e mayornan, el a laga e mensahe pa nan bay hunga cu su yiu, pa motibo cu e no ta bay corda cu nan a compra un co'i hunga caro p'e, pero e ta bay corda riba e momento agradabel cu el a pasa cu su famia. Enfoca riba nan atencion, tempo di calidad cu nan ta pasa cu nan yiu y no worry cu cosnan material.

